



Vschinauncha da S-chanf

7525 S-chanf



ENGADIN
S. Moritz

Da la suprastanza cumünela

Dumandas da fabrica

La suprastanza cumünela piglia cugnuschentscha da la seguintas dumandas:

- La suprastanza cumünela aderischa la dumanda da fabrica (Somvih 39, parcella nr. 81) per ingrandir il spazi abitabel vers il talvo e'ls müdamaints i'l plaun suot terra.
- La suprastanza cumünela aderischa la dumanda da fabrica da l'infrastructura SUSAUNA.
- La suprastanza cumünela aderischa la dumanda da fabrica sviamaint provisoric SUSAUNA.
- La suprastanza cumünela aderischa la dumanda da fabrica Simon Salzgeber nouva lingia da trasport da chalur Serlas fin San Güerg.

Persunel

Causa cha'l bos-cher/polier ho do aint sia desditta per la fin da gün, tschercha la vschinauncha da S-chanf ün nouv bos-cher. Sül inserat publicho sun entro trais annunzchas per quist piazza.

La suprastanza cumünela tschern a Marco Solèr scu nouv bos-cher ed instructur pels giarsuns.

Revisiun parziela planisaziun dal territori (zona d'ova)

La cumischiun da planisaziun ho tratto divers punct aviert reguard la planisaziun dal territori e la ledscha da fabrica. Taunter oter es la revisiun parziela da la planisaziun dal territori – stipuler la zona d'ova pronta per la preexaminaziun tres ils divers uffizis a Cuoir. La cumischiun da planisaziun dumanda la deliberaziun da la revisiun parziela per la preexaminaziun tres ils uffizis.

La suprastanza cumünela decida uanimamaing da deliberer la revaisa parziela per la preexaminaziun tres ils uffizis a Cuoir.

Concept dal provedimaint electric 2020

A la votaziun a l'urna dals 04 marz 2018 haun ils votants aderieu cun granda magiurited (84%) l'acceptaziun da la rait da la forz'electric 2020 (desditta fin da settember 2019). Fin a quist punct sun da fer lavuors pretensiusas cun diversas decisiuns. Per accompagner quist prozess es gnieu dumando ün'offerta da la HTW Cuoir. Displaschaivelmaing s'ho retratt la frima da quista dumanda. In occasiun da la radunanza cumünela dals 28 marz 2018 ho Curdin Barblan do aint üna moziun, cul giavüsch, da lascher tscherner üna cumischiun da la radunanza cumünela. Per pudair suottametter infra 6 mais üna soluziun a la radunanza cumünela fo la suprastanza cumünela sclarimaints pü a fuonz. Per l'elavuraziun vegn involvo il moziunari.

La suprastanza cumünela tschern a Curdin Barblan, Liun Quadri ed a Gian Fadri Largiadèr in üna gruppra da lavur per elavurer quist tema. Scu cusglier vegn piglio in vista Arthur Brüniger per dumandas profesiunelas e'l giurist cumünel.

Hotel Scaletta mandant da cussagliaziun

La suprastanza cumünela ho discus l'agir in futur sur dal Hotel Scaletta. Per fer sclarimaints pü a fuonz surdo la suprastanza cumünela a la firma Gastroconsult AG l'incumbenza d'elavurer püssas dumandas e der gio ün' analisa detagliada.

Contrats per sfrutter gerra e piazza da trattamaint

La vschinauncha da S-chanf ho avaint ans stipulo üna cunvegna culla firma Angelini SA per pudair sfrutter gerra our da l'ova da Varusch. Il depüto ho fat üna proposta a maun da la supranza cumünela per fer ün nouv contrat per ulteriurs 5 ans. Impü fo El la proposta da stipuler ün nouv contrat da fittaunza regard la piazza da trattamaint sül areal da la deponia Bos-chetta Plauna eir per ulteriurs 20 ans. Ziev'üna prüma lectüra e divers adattamaints e cumpetaziuns tres la supranza sun ils duos contrats gnieu surelavuros. Ziev'üna segunda lectüra e divers adattamaints decida la supranza cumünela unanimamaing d'approver ils duos contrats.

Il contrat da fittaunza regard la piazza da trattamaint sül areal da la deponia Bos-chetta Plauna per 20 ans vegn suottamiss ad üna prossma radunanza cumünela.

S-chanf, 4 meg 2018

La supranza cumünela